

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IV. Referuntur verba illius constitutionis; quæ manifestè ostendunt illam à Bonifacio conditam fuisse adversùs Philippum Pulcrum.

urn:nbn:de:hbz:466:1-15617

& Imperij Lib. V. Cap. LVI. 165

iuslibet vel consensu, nsu vel consuetudine contrariis nequaquam obstantibus.

IV. Hic locus evincit constitutionem illam editam à Bonifacio fuisse, ut Philippum consilii & potestati suae resistenterem opprimeret ista auctoritate. Nam in constitutione illa sic prorsus legitur: *Verum cùm aliqui hujusmodi officium & potestatem ipsius Romani Pontificis, quam non ab homine sed à Deo recepit, sub suo arbitrio redigere molientes, Legatos ipsos, nisi ab ei petiti fuerint, vel de beneplacito corum transmissi, subjectas sibi terras, dicentes hoc eis de consuetudine competere, ingredi non permittunt, nos hujusmodi consuetudinem non tam irrationabilem quam iniquam, animarum salutis contrariam, detrahentemque apostolice potestati, auctoritate apostolica penitus reprobantes, Legatos ipsos ab omnibus, cuiuscumque preminentie, conditionis, aut status fuerint, debere admitti decernimus, nec eos praetextu cuiusvis consuetudinis impediri posse à quocum Christiano nomine gloriante quo minus regna, provincias, & terras quilibet, ad quae ipsos destinari contigerit, ingrediantur liberè, ac commissi sibi legationis officium exerceant in eisdem. Excommunicat deinde eos qui presumerent impedire Legatos, eorumque regna & terras ecclesiastico supponit interdicto quandiu in hujusmodi contumacia duxerint persistendum. Revocat autem omnia privilegia quibus iidem uti vellent ad afferendum hoc suum jus, seu ex consuetudine descendenter, seu aliunde. Hæc verò à Pontifice iracundo scripta esse adversus. Philippum Francorum Regem satis, ut reor, manifestum est.*

V. Primum exemplum in ista causa datum apud Anglos fuit anno Urbani secundi. Mis-sus tum in Angliam Vvalterus Episcopus Albanensis, Vvillelum Regem adiit, cuncta facturus per quæ Regis animum sibi conciliare posset, etiam cum periculo propriæ famæ. Cum eo itaque, ut narrat Hugo Abbas Flaviniacensis, conventionem fecit ne Legatus Romanus ad Angliam mitteretur nisi quem Rex preciperet. Verba sunt manifesta, neque ullis ambagibus involuta. Et haud dubie illud à Legato exegerat Vvillel-mus ne antiqua consuetudo violaretur, qua receptum erat ne quis alias in Anglia Legatus apostolicæ sedis esset præter Archiepiscopum Cantuariensem. Extremis deinde Paschalibus secundi temporibus, cùm Anselmus Abbas à Romano Pontifice accepisset legationem Angliæ, trajiceréque propterea vellet à Normannia in Angliam, *Rex Henricus, inquit Eadmerus, antiquis Ecclesiæ consuetudinibus prejudicium inferri non sustinens, illum ab ingressu Anglia detinebat, & ei, utpote*

Nuntio beati Petri, largiter & officiosè ministrari faciebat. Narrat deinde Eadinerus illum nec Angliam intrare nec aliquo Legati officio fungi dignum habitum esse, sicutque inglorium abiisse.

V I. Idem jus regium acriter retinuit Henricus istius nominis primus Anglorum Rex, qui Vvillelmo fratri proximè successit. Cùm enim anno M C X I X. idem Rex & Callistus II. convenienter apud Gisorcum in Normannia, concessit Regi Pontifex ut antiquæ regni ejus consuetudines manerent, ac nominatum ne quis Legatus in Angliam mitte-retur nisi quem Princeps peteret, nimirum si quæpiam causa major incideret quæ ab Episcopis Anglicanis pro sui magnitudine terminari non posset, adeoque opus esset majori auctoritate. Hæc sunt verba ejusdem Eadmeri in libro quinto Historiæ Novorun: *Itaque post hæc Calixtus Gisortium venit; & Rex Henricus illic ei locuturus accessit. Acta & Ioan. Bremon. pag. 1008.*

VII. Adeo autem diligenter & studiose prærogativam illam servavit idem Henricus, ut cùm aliquot post annis Papa Callistus sponte Legatum in Angliam misisset Petrum Leonis monachum Cluniacensem, tametsi eum magnificè receperit Henricus pro reverentia sedis apostolicæ, Legati tamen officium exequi prohibuerit, obtendens patrias consuetudines ab apostolica sede concessas; in quibus hac & de maximis una erat, que regnum Angliae liberum ab omni Legati ditione consti-tuerat. Itaque Legatus ille regno egredi coactus est, cùm nullam prorsus muneris sui functionem attigisset. Rem narrat idem Eadmerus inquiens inter alia Regem pronuntiassæ legationis illius stabilem auctoritatem non nisi per conniventiam Episcoporum, Abbatum, & procerum, ac totius regni conventum reborari posse.

VIII. Sed adnotanda est hoc loco prudentialia Henrici: qui, ne Legatus auctoritatem suam explicaret in Anglia, prohibuit ne ad Ecclesiæ aut monasteria regni accederet, donec ad ipsum pervenisset, neve aliunde victus ei suppeditaretur quam ex fisco. Quod factum specie honoris, magni tamen momenti erat. Sic quippe providebatur ne vel minima Legati potestate uteretur. Sumptus